

FJALA E DEPUTETIT PETRIT VASILI

E ENJTE 9 MAJ 2022

Për procedurë.

Zonja drejtuese e seancës,

Së pari, ju e dini më së miri se Kushtetuta ia ka dhënë Rregullores atributet e drejtimit të seancës në parlament. Këtu nuk ka asgjë për të diskutuar dhe ju nuk kenitribute të interpretoni. Rregullat përcaktohen me dakordësi dhe janë në Rregullore. Nuk e di për çfarë arsye e bëni dhe nuk dua të jem i vrazhdë apo të prish mirësjelljen time me ju, por po e lexoj, që ta dëgjojnë të gjithë deputetët dhe t'u japim fund interpretimeve të shpikura nga ju. Çfarë thuhet në pikën 1 të nenit 47? Thuhet: "Anëtarët e Këshillit të Ministrave kanë të drejtë, edhe kur u kërkohet, të marrin pjesë në seancë plenare ose në mbledhjet e komisioneve dhe nënkomisioneve. Atyre u jepet fjala sa herë që e kërkojnë. Në debatet me kohë të përcaktuar, (si debati i sotëm, me 4 orë të përcaktuara), fjala e anëtarit të Këshillit të Ministrave llogaritet në kohën e grupit parlamentar, të cilit i përket. Dakordësitë e arritura në seancë, për të folur pak minuta më pak apo pak minuta më shumë, (e kufizuar në 5 minuta), nuk e ndryshojnë rregullin e të folurit brenda kohës së grupit". Pra, u përcaktua një kohë e re, e cila respektohet, por nuk do të thotë se nëse nuk do të flasim 5 minuta, ministrat mund të flasim 30-45 minuta dhe ne duhet t'i dëgjojmë. Kjo Rregullore është një detyrim për t'u zbatuar, zonja drejtuese e seancës dhe nuk ka vend për interpretim. Jepini fund!

Merrni atributet që ju takojnë, kalkuloni kohën. Ata që donin, e konsuamuan kohën si grup parlamentar në mënyrën e tyre, pasi e zgjodhën nga ana e tyre politike. Ne mund të vazhdojmë me diskutimet e opozitës, pasi koha e tyre u konsumua. Kjo nuk lëviz, sepse është e dokumentuar publikisht.